



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Fasti Mariani Cum Divorvm Elogiis In Singvlos Anni Dies Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Gallicanus M. 25. Iunii.

**urn:nbn:de:hbz:466:1-44055**

## S. GALLICANUS M. 25. Junii.

GALLICANI victorias de Persis Scythisque relatas admirandi, illam, quâ seipsum triumphavit, imitandi jus esto. Eò gloriæ venerat, ut Constantiæ conjugium præmium militiæ poscenti Constantinus pater negare nihil sit ausus, modò Scythas Romanis finibus ejecisset. In eo dum est, milites panico percussu metu, magnam partem dilapsi infrequentia signa reliquere. Anxio cã re Gallicano Joannes & Paulus Constantiæ familiares, voti Deo nuncupandi consilium suggessere. Obtemperantem cælestis straregus crucem præferens, eo fretum signo, cinctumque, quos ipsi adduxisset, stipatoribus, sequi se è vestigio jussit. Ita per attonitos hostes ad ipsum Scytharum regem penetravit. Neque ille ausus hiscere adversus tantam vim, vitam pactus se suaque Gallicano permisit. Inde illi veri Numinis admiratio, ejusque ritè colendi ardor injectus. Romam deportato exercitu, abdicatã conjugii spe, rebusque humanis valere jussis, seipsum Christianæ modestiæ finibus circumscripsit. Ille orbis terror, & secundus à Constantino Dux, pater pauperum, peregrinorum hospes factus, pedum sordes abluere, ægorum lectulos sternere, inferre convivantibus cibos, obstupescente orbe terrarum, visus est. Julianus denique pestis pietatis hanc tantam virtutem proseripsit, & gladio addixit. Decuit nimirum ut toties victor cælum laureatus ingrederetur, triumphalem currum manibus pauperum trahentibus. *Ex Surio.*

*Non est periculum quantumcunque te humilies, est autem grande periculum, si vel modicè plus vero te extollas; si vel uni te præferas, quem forte parem tibi*

320 VITÆ SANCTORVM. 26. Iunii.  
*veritas indicat, aut etiam superiorem. Quapropter noli  
te comparare majoribus, noli minoribus, noli aliquibus,  
noli uni.* S. Bern. serm. 37. in Cant.

S. VIGILIUS EP. M. 26. Iunii.

**V**IGILIVM Pontificem Tridento Roma sub-  
misit annos non nisi XX. natum, sed jam  
tunc, si virtutes numerasses, grandævum. Ergo ab  
hæresi urbem, à superstitione deinde omnem latè  
viciniam purgavit. Eâdem operâ morbos, dæmo-  
nesque hospites è corporibus proscripsit, fana di-  
ruit Deorum, & solo Veronensium & Brixiensium  
agro templa Deo extruxit triginta. Felicem se  
etiam credidit, cum hospes hospitem D. Reme-  
dium excepit; sed magis oculos recrearunt homi-  
nes mille & amplius, quos omnes à fide aberrantes  
in viam reduxit Remedius, & ad VIGILIVM ad-  
duxit. Cæterum cœpta inter eos familiaritas sem-  
per deinde duravit; & ad morientem in solitudi-  
ne Remedium accurrit VIGILIVS, ære campano  
ex pacto suapte sponte monente. Justis deinde  
persolutis, cum ædiculam Remedii in templum  
vellet consecrare, præveniri se ab Angelis per  
quietem lubens volens vidit. Porrò ad Aunaniæ  
etiam populos Legatos misit suos, quos cum im-  
pii adorti neci dedissent, ipse in illos movit, debel-  
lataque superstitione, ubique locorum trophæum  
Christo victori Crucem fixit. Et jam reliqua val-  
lis unica Randena erat. In hâc illi Superi trium-  
phum decrevere. Nam cum unus unicus in ho-  
stium cuneos irrupisset, & æreum Saturnum re-  
ctius cælo quàm Jupiter pulsurus, dejectum fra-  
ctumque in præterfluentem abjecisset, ipseque  
jam basi statuæ deinceps insistens, ad concionem  
dice-